

詩

經

廣

詁

詩經廣詁 小雅

桐城徐璈輯錄

南有嘉魚之什

第十七

南有嘉魚

四章

詩氾歷樞曰嘉魚在己火始也

太平御覽

南有嘉魚

水經注曰丙穴出嘉魚常以三月出十月入穴口向丙故

曰丙穴

漢水篇 鍾大昕曰南有嘉魚猶山有嘉卉南有
梓本也非魚名李善注蜀都賦亦不以詩爲證

焦贛曰南有嘉魚駕黃取鮓鮓鯉瀾瀾利來無憂

易林
困之晉

烝然罩罩

王肅曰烝衆也

正義

沈重曰猨猴也猨首復又音護說其形非猨也

按此辨傳訓釋文

說文烝然鯀

鯀按鯀集訓魚名說文無訓玩次章汕汕說文釋爲魚游水貌則此鯀字從卓義與

掉通當爲魚掉尾水中之意蓋漢魏詩頌魚游深沼巨魚縱擊皆爲賢才過得其時之象則詩意以魚水之歡喻主賓之契意亦殷摯矣烝然者所謂衆賢聚於本朝也又按廣雅渚渚衆也或卽鯀鯀之轉耶

嘉賓式燕以樂

列女傳敬姜曰嘉賓式燕以樂言尊賓也

陸德明曰得賢致酒歡情怡暢故樂

釋文

烝然汕汕

說文曰烝然汕汕魚游水貌

南山有臺

五章

毛詩題綱曰山生臺以自蔭人君得賢以自尊也

御覽九百九十七

南山有臺

毛詩題綱曰臺一名夫須莎草也

御覽九百九十七

穆天子傳南山有臺

胡渭曰南山謂都南終南太乙諸山北山謂都北九變甘泉諸山

北山有萊

詩義疏曰萊藜也莖葉皆似生菊今兗州蒸爲茹謂之萊

而譙沛人謂雞蘇爲萊故三蒼云萊菜莢此二草異而同

名

御覽九百九十八 錢大昕曰古莖末字同用爾雅蓋莖華郭註一名萊華說文萊莖華也

樂只君子邦家之基

左傳子產曰令名德之與也德國家之基也有德則樂樂

則能久詩云樂旨君子

杜注言君子樂旨其道

邦家之基有令德也

上帝臨女無貳爾心有令名也想想以明德則令名載而

行之是以遠至邇安

襄公二十三年

左傳襄公二十年季武子如宋歸復命公享之賦魚麗之卒章公賦南山有臺武子去所曰臣不堪也

又昭公十三年同盟于平邱子產爭承自日中以至子昏晉人許之仲尼謂子產于是行也足以爲國基矣詩曰樂旨君子邦家之基子產君子之求樂者也

由庚

李善曰由從也庚道也言萬物竝得從陰陽道理而生也

文選注

元澄曰上覽盤庚始遷之艱難下矜詩人由庚之至詠魏書

任城王
傅表

崇邱

李善曰言萬物生長于高邱皆遂其性得極其高大也文選

補七
詩注

由儀

李善曰儀安也言萬物之生各由其道得其所儀也文選注

蓼蕭 四章

杜預曰藜蕭言太平澤及遠也

左傳襄公二十六年注

其德不爽壽考不忘

徐幹曰壽有三有王澤之壽書五福一曰壽也有聲聞之

壽詩云其德不爽壽考不忘也有行仁之壽孔子曰仁者

壽也

中論

零露漙漙

許慎曰漙漙露多也

說文引詩 按玉篇作震震露漙貌

和鸛雝雝

魯詩訓曰和鸛雝雝和設軾者也鸛設衡者也

後漢輿志劉昭注

韓詩內傳曰鸛在衡和在軾前升車則馬動馬動則鸛鳴

鸞鳴則和應

周禮注史記集解 漢詩記董氏引韓詩在賦曰和在龜曰鸞

于寶曰和鸞皆以金爲鈴舒則不鳴疾則失音詩曰雍雍

言得其和也

漢詩記引漢志注

裴駰曰鸞漢志鸞雀立衡也皇侃云鸞以金爲鸞懸鈴其

中于衡上以爲遲疾之節所以正威儀行舒疾也

史記禮書注引

詩 璇按楚詞王逸注鸞鳥也以玉爲之著於衡和者於賦此與皇氏以金爲之說異周禮金路玉路其卽以鸞和別之歟又廣韻錄鸞亦作和字皆從金

萬福攸同

易林蓼蕭瀼瀼君子龍光鳴鸞嗻嗻福祿來同

恒之寒

賈誼曰和鸞嗻嗻萬福攸同言動有紀度則萬福之所聚

也

新書

左傳襄公二十六年齊侯鄭伯爲衛侯故如晉晉侯
享之晉侯賦嘉樂國景子相齊侯賦蓼蕭子展相鄭伯
賦緇衣叔向命晉侯拜二君曰寡君敢拜齊君之安我
先君之宗祧也敢拜鄭君之不貳也

戴震曰據此言之此詩蓋宴享通用

之樂
肆也

又昭公十一年宋華定來聘公享之爲賦蓼蕭不知又
不答賦昭子曰必亡宴語之不懷寵光之不宜令德之
不知同福之不受將何以在

湛露

四章

左傳齊武子曰昔諸侯朝正于王王宴樂之于是乎賦湛

露則天子當陽諸侯用命也

文公四年

湛湛露斯匪陽不晞

王逸曰湛湛重厚貌

楚詞九章注引詩

杜預曰晞乾也露見日而乾猶諸侯稟天子命而行

左傳注

厭厭夜飲在宗載考

韓詩惜惜夜飲 薛章句曰惜惜和悅之貌

文選魏都賦注釋文

與曰彤弓饗也以訓恭儉故終朝而即成禮湛露燕也以示慈惠故至夜而不爲過

說文厭厭夜飲

按釋訓厭厭安也是此及秦風皆本作厭厭也

後魏書任城王澄從高祖于觀德殿高祖曰光景垂落朕同宗則有載考之義公卿辭高祖曰在夜載考宗族

之義卿等且還朕與諸
王宗室欲成此夜飲

其實離離

韓詩曰其實離離離離長貌

北堂書鈔

北史魏孝文宴侍臣于清徽堂芳林之下仰觀桐葉之茂曰其桐其椅其實離離愔愔君子莫不令儀今林下諸賢足敷歌詠遂令羣臣賦暮春應制詩

彤弓

三章

左傳衛甯俞曰昔諸侯敵王所愾而獻其功于是賜之彤

弓一彤矢百旅弓矢千以覺報宴

文公四年

杜預註彤弓天

子賜有功諸侯之詩

孔叢子孔子曰於彤弓見有功之必報也

記義

彤弓昭兮

說文曰昭弓反也

詩引

受言藏之

王肅曰我藏之以示子孫也

正義

鐘鼓既設

陳貞節曰金奏登歌所以頌功德詩曰鐘鼓既設一朝饗

之

唐書本傳

左傳文公四年衛甯武子來聘公與之宴爲賦湛露及彤弓不辭又不答賦使行人私焉對云云

又襄公八年晉范宣子來聘公享之季武子賦彤弓宣

子曰城濮之役我先君文公致功于衡雍受彤弓于襄王以爲子孫藏也先君守官之嗣也敢不承命

菁菁者莪

四章

徐幹曰菁菁者莪美育人材其猶人之于藝乎

中論藝紀篇

羊深曰菁莪育士有光篇什

漢書本傳 嚴粲曰天子行禮于學校而宴飲之時則歌

此詩 豐氏曰此諸侯貢士于天子之詩

菁菁者莪

韓詩燕燕者莪 薛君曰燕燕盛貌

文選兩都賦注

集韻莪莪者莪蓬茂貌

平四

韓愈曰莪微草也菁菁盛也言君子之長育人材若大陵

之長育微草能使之菁菁然盛也

本集

徐幹曰先王之欲人之爲君子也立保氏掌教五禮六

樂五射五御六書九數大胥掌學士之版春入學舍禁

學舞秋班樂合聲諷誦講習不懈於時故詩云云

首既章

修其質且加其文文質著而後體全君子者表裏稱而

本末度者也

中論藝紀篇

錫我百朋

韓愈曰百朋多之之辭也言君子既長育人材又當爵命

之賜之厚祿以寵貴之云爾

本集

載沈載浮

韓愈曰載者載也沈浮者物也言君子之于人材無所不

取若舟之于物浮沈皆載之云爾

文粹八十七

我心則休

陸德明曰休美也

釋文

韓愈曰天下之心休美之也

本集

左傳文公三年公如晉晉侯饗公賦菁菁者莪公賦嘉樂莊叔以公降拜曰小國受命于大國敢不愼儀君貺之以大禮何樂如之

又昭公十七年小邾穆公來朝公與之燕穆公賦菁菁者莪

孫楚文曰兼立學校闢揚訓典雖泮宮之詠魯侯菁莪

之美育材無以過也

本集羊祜碑 范處義曰學校者人君養材之地有師友之訓有弦

誦之習校試有法庖廩有繼人君視學則士皆嘉樂之矣

六月 六章

司馬遷曰周襄王之時戎狄侵暴中國詩人疾而歌之史記

何奴傳引詩

易林猥狁匪茹侵鎬及方元戎其駕衰自夷王刺

威之

揚雄曰周穆遐征犬戎不享爰貊伊德侵玩上國宣王命

將攘之涇北

井州 箴藝文類聚 後漢西羌傳穆王還犬戎于太原夷王命蒙公帥師伐太原之戎至

于俞泉宣王遣兵伐太原戎

韋曜曰六月邁尹吉甫佐宣王征伐復文武之業也

晉語注

左傳杜注尹吉甫佐天子征伐之詩

戎車既飾

唐石經戎車既飾

按四章韓章句曰車綴輪衡並劔破卽戎車之飾也

四牡騤騤

說文騤牡騤騤

詩考

我是用急

鹽鐵論我是用戒

四十九爾雅械福急也郝云戒卽械也

比物四驥

陸德明曰比齊同也

釋文

薄伐玁狁以奏膚公

劉歆曰周室既衰四夷竝侵玁狁最强宣王伐之詩人美

而頌之曰薄伐玁狁以奏膚功

漢書本傳

至于涇陽

嚴尤曰當周宣王時玁狁內侵至涇陽命將征之盡境而

返視戎狄之侵譬猶蚊虻之蟲驅之而已

後漢紀

織文鳥章

周禮疏識文鳥章

司常疏洪頤煊曰識常也一日知也識本字織是今字

白旒央央

公羊傳疏帛旒英英

引孫氏爾雅注詩經小學帛旒者謂絳帛也出其東門疏亦引作英英

釋文白

夜央央

詩古義曰白旆央央後軍所建爾雅繼旆爲旆旆畫龜蛇所謂後元武也

元戎十乘以先啓行

左傳孫叔曰寧我薄人毋人薄我詩云元戎十乘以先啓

行先之也先人有尊人之心薄之也

宣公十二年

韓嬰章句曰元戎大戎謂兵車也車有大戎十乘謂車纒

輪馬被甲衡阨之上畫有劒戟名曰陷軍之車所以冒突

先啓敵家之行伍也

史記世家集解二十三年啓半成

姚範曰左傳襄公

曰啓 穢接如左注則先爲前軍啓爲左翼元戎率之以行也

杜預曰元戎戎車在前軍言王者軍行必有戎車十乘在

前開道先人爲備禦也

左傳注

王安石曰元戎十乘所謂選鋒也兵法兵無選鋒曰北

如輕如軒

文選注如

輕如軒

射雉賦軒仰輕

低字

又作輦也

既估且閑

許慎曰估正也

說文引詩

薄伐獫狁至于大原

王肅曰宣王親伐獫狁出鎬京而還使吉甫追伐追逐乃

至于太原

正義方苞曰薄漢音俱訓追戎狄內侵禦之不可以少緩 按此與出車薄伐西戎皆當

如王訓也

司馬貞曰薄伐者言逐山之也

史記匈奴傳索隱

劉良曰薄伐言不殺戮逐之於邊而已

文選出師頌注引詩

吉甫燕喜

孔穎達曰卿大夫有勤勞之功與羣臣燕飲以樂之

禮記疏引

詩按後杜林說燕喜字別一義

既多受祉

劉向曰吉甫之歸周厚錫之

漢書陳湯傳

來歸自鎬我行永久

劉向曰千里之鎬猶以爲遠

漢書何楷曰方朔方鎬乃邠地今爲高邑與太原接近

王基曰鎬去京師千里與京師同名

正義

顏師古曰鎬非豐鎬此鎬及方皆周之北境

陳湯傳注

張仲孝友

杜林曰昔張仲在周燕翼宣王而詩人悅喜 注張仲周

宣王賢臣

後漢書鄭興傳林薦典疏

後漢書註張仲友矣

劉歆曰周室既衰四夷竝侵獫狁最強于今匈奴是也

至宣王而伐之詩人美而頌之故稱中興

前漢紀武帝廟議

馬融曰周室獫狁侵鎬及方扞城有魃虎之助宣王立

中興之功

本集講廳參書

柳宗元曰周宣王時稱中興其道大彰于後罕及然微

于詩大小雅其遷徙出狩則車攻吉日命官分土則崧

高韓奕蒸人南征北伐則六月采芑平淮夷則江漢常

武鏗鈞炳耀盪人耳目故宣王之世形容與其輔佐今

由望之若神人然此無他以雅故也

文粹二十

左傳僖公二十三年秦伯享晉公子重耳賦六月趙衰曰重耳拜賜君命所以佐天子者命重耳重耳敢不拜

采芑 四章

易林曰六月采芑征伐無道張仲方叔尅勝飲酒

離之坎 陳鵬

飛曰六月之辭追采芑之辭續六月以討而定采芑以威而服也

詩汜歷樞曰午亥之際爲革命午采芑也

漢書注

白帖周宣之代國人歌方叔之功列于周雅

竹書紀年宣王五年秋八

月方叔帥師伐荆蠻

約軼錯衡

陸德明曰軼轍篆也

文釋

司馬貞曰錯衡錯鑣衡阬爲文飾

史記禮書注引詩

朱芾斯皇

班固曰朱紉斯皇天子朱紉諸侯赤紉

白虎通紉冕篇

有瑱葱珩

韓詩傳曰佩玉上有葱衡

賈疏葱玉爲橫梁

下有雙璜衝牙瑱珠

納其間

周官注疏陳祥道曰珩亦作衡音語云白玉之衡楚語云楚之白珩韋注珩似瑤而小禮三命

衡在方叔則通三命以上也

鉦人伐鼓

陸德明曰鉦鐃也一云鉦也

釋文

陳師鞠旅

薛綜曰陳列也鞠告也

文選兩京賦注引詩蘇轍曰方叔之南征先治其兵衆且治而

鞠刑遂服詩皆詳言其治兵卒章始言其遇敵何楷曰前三章皆大閱前車徒之事其車三千輕車千五百乘計甲士步卒十一萬二千五百人重車千五百乘計炊家子推汲廩養守裝三萬七千五百人合周禮鄉遂六軍之數其曰旂旄夾夾鉦人伐鼓陳師鞠旅亦卽周官司馬大閱之禮建旗督陳鼓進鳴鉦生作進退之儀也

伐鼓淵淵

崔集注伐鼓蕭蕭

讀詩記董道引吳棫曰開元中修五經文字修修爲慄淵淵爲蕭皆與釋文

異字

振旅闐闐

說文曰振旅嘖嘖盛氣也

文選魏都賦振旅嘖嘖

蘇爾蠻荆大邦爲讐

王逸曰蠢蠢無禮義貌

楚詞九懷注引詩

賈捐之曰詩云云言聖人起則後服中國衰則先畔動爲

國家難自古而患之久矣

漢書本傳

范蔚宗曰明其黨衆繁多是以抗敵諸夏也

後漢書西南夷傳叙引詩

陳琳曰王者之師有征無戰不義而疆古今常有唐虞之

世蠻夷猾夏周宣之盛大邦爲讐詩書歎載言其難也

本集

方叔元老

韓詩曰元長也

玉篇

後漢書注元老長也

章帝紀

嘽嘽焯焯

漢書嘽嘽

推推

韋元成傳

校廣韻雜

征伐獫狁蠻荆來威

劉向曰昔周大夫方叔吉甫爲宣王誅獫狁而百蠻從

漢書

陳湯傳

范蔚宗曰南蠻夷今長沙武陵蠻是也其在唐虞與之要

質故曰要服夏商之時漸爲邊患逮於周世黨衆彌盛宣

王中興乃命方叔南伐蠻方詩人所謂蠻荆來威者也

後漢

西南夷傳叙

顏師古曰克定玃狁而令荆土之蠻亦畏威而來也

漢書注

漢書荆蠻來威

韋元成傳

詩經小學曰荆蠻爲荆州之蠻徐爽爲徐州之夷也後漢書註同

左傳季武子如晉拜師晉侯享之范宣子爲政賦黍苗

季武子與再拜稽首賦六月

襄公十年

車攻

八章

黑子昔周宣王合諸侯而田于圃車數百乘

明鬼篇說之曰宣王

中興自濟之洛狩于圃田及于敖

山因以朝諸侯車攻之詩作焉

竹書宣王九年王會諸

侯於東都遂狩於圃

東有甫草

諱詩東有圃草 薛君曰圃博大之茂草也

文選東都賦注漢書班固

傳注 又後漢書馬融傳詩詠園草註引韓詩東有圃草
璩按薛君既釋圃爲博不宜韓家又別作圃馬傳所引
或出齊魯
之義也

王逸曰東有圃草圃野樹也

楚詞九懷注
樹宜作株字誤 按

水經渠水出滎陽北酈注歷中牟縣之圃田澤水澤多麻
黃草故述征記曰踐縣境便覩斯卉窮則知踰界詩所謂
東有圃草也皇武子曰鄭之有原圃猶秦之有具囿也

縣

志圃田澤在中牟縣西北七里其

澤東西五十里南北二十六里

羣經音辨東有甫艸

釋文 范守己曰圃田澤甚廣穆天
子傳天子次于軍邱以攻于戴左傳

取人於衛符之
澤皆其地也

駕言行狩

韓詩內傳曰春日畋夏日獲秋曰獮冬曰狩天子抗大綬

諸侯小綬羣小獻禽其下天子親射之于門夫田獵因以

講道習武簡兵也

御覽八百三十一

搏獸于敖

郡國志河南滎陽有敖亭周宣王狩于敖卽其地也

王應麟曰

水經濟水東逕敖山北秦置倉于中曰敖倉城卽殷仲丁所遷鄴地也

薛綜曰敖鄴地今之河南滎陽也

文選東京賦引詩霽狩于敖註

水經注薄狩于敖

後漢書注文選東京賦注同曰敖夫圃田百餘里

陳啓源

薄言及敖前耳狩者田獵之總名不與夏苗對舉且古之田狩習射御無徒搏也

唐石經乃作搏獸也

四牡奕奕

薛章句曰奕奕盛貌

文選謝惠連詩注

赤芾金舄

白虎通赤紼金舄

決拾既伙

周禮注決拾既天決者所以縱弦也拾者所以引絃也詩

家說或謂決爲引弦彊也拾謂構捍也

周禮注

鄭康成曰決猶闔也挾弓以橫執弦

儀禮注引詩

許慎曰伙便利也一曰速也

說文引詩 坎按楚詞憑決利決謂引弓滿而發決利也

決以便利爲美
有同許義也

薛綜曰決以象骨著右手巨指所以鈎絃也拾鞞捍著左

臂也

文選二京賦注引詩

助我舉柴

玉篇曰助我舉柴草積也

嚴可均曰張衡西京賦收禽舉齒字從肉常是三家詩

不失其馳舍矢如破

趙歧曰言御者不失其馳驅之法則射者必中之順毛而

入順毛而出一發貫滅應矢而死者如破矣

孟子注

悠悠旆旌

李善曰悠悠流貌

文選三都賦注

徒御不驚

爾雅釋訓徒御不驚輦者也

陳啓源曰輦載任器非徒行也

考文徒御不驚

段玉裁曰文選陸士衡詩夙駕警徒御注引詩同正義豈不警戒言徒御相警戒也

吉日

四章

易林吉日車攻田弋獲禽宣王飲酒以樂家

鼎詞功履之作嘉功

既伯既禱

杜子春日既伯既禱爲馬禱無疾爲田禱多獲禽

周官注

說文曰既禱既禱禱禱牲馬祭也

惠棟曰周官大司馬有司表貉先鄭貉讀爲禱

禱師祭也甸祝表貉杜子春貉讀爲百亦爲馬益貉讀爲禱又爲百卽伯也又甸祝謂牲禱馬杜子春云禱禱也詩

既伯既禱禱禱也

升彼大阜

薛君章句曰積土高大曰阜

北堂書鈔一百五十七

吉日庚午

翼奉曰南方之情惡也惡行廉貞寅午主之西方之情喜也喜行寬大己酉主之二陽並行王者吉午酉也詩云吉

日庚午

漢書本傳 燕棟曰穆天子傳吉日戊午又云吉日辛酉此天子吉午酉之證 陳啟源曰奉學齊

詩此齊詩之說歟後世風古有六情蓋本于此

應劭曰詩云吉日庚午漢家盛于午故以午祖也

風俗通

既差我馬

顏師古曰差謂揀取強壯者

匡謬正俗引詩

鹿麋麇

陸德明曰麋說文作𦍋麋鹿羣口相聚也

釋文

其邪孔有

某氏爾雅注其𦍋孔有

按箋云邪當作麋 臧琳曰某氏當本之三家故鄭與之合

儻儻俟俟

韓詩駢駢俟俟

後漢書張衡傳 又馬融傳注引詩駢駢俟俟

薛章句曰駢駢駢駢趨曰駢行曰駢

文選二京賦注

呂向曰駢

駢行走貌

文選注

說文𦍋𦍋俟俟

丁復口說文引詩不駢不來 卽爾雅不俟不來 俟俟 卽毛詩儻儻俟俟 既易儻

爲俟又易俟爲不言不駢言不俟言俟俟言儻儻俟俟皆不來之義也

陸德明曰儻本作麋又作麋趨也行也

釋文

悉率左右

薛綜曰悉盡也率斂也

文選二
京賦注

且以酌醴

韓詩曰醴甜而不泆也

文選南
都賦注

左傳昭公三年鄭伯如楚子產相楚子享之賦吉日既
享子產乃具田備王以田江南之夢

南有嘉魚之什十篇四十六章

男姪

寅校

詩經廣詁 小雅

桐城徐璈輯錄

鴻鴈之什

第十八

鴻鴈

三章

詩記歷樞曰鴻鴈在申金始也

太平御覽

杜預曰侯伯哀恤鰥寡有征行之勞

左傳宣公十二年注

杜牧曰鴻鴈美宣王能復先王之道

文粹八十三 陳際泰曰斯干莫王居也

鴻鴈莫民居也先鴻鴈者勸民也

肅肅其羽

釋文翻翻其羽

廣雅翻翻飛也

劬勞于野

韓詩曰劬數也

釋文 錢澄之曰其勞頓數謂之劬勞

爰及矜人

蕭望之曰爰及矜人哀此鰥寡上惠下也

漢書本傳

顏籀曰可矜之人及鰥寡者皆被勞來安集而徐氏讀矜

爲鰥大失詩指

匡謬正俗

百堵皆作

韓詩傳曰堵四十尺雉二百尺以板長八尺接五板而爲

堵接五堵而爲雉

詩正義公羊傳解詁

韓詩說曰八尺爲板五板爲堵五堵爲雉

左傳隱公元年疏 姚鼐曰宜

王建都君子攸芋其時民亦從而徙宅百堵皆作鴻雁詠焉
敢抄周富汾王流徙之後故宮兵燹宣王遷都營國
于是有築室似續之咏而一時流離之民亦皆攜持以遷
乃使公卿勞來還集而爲百堵安宅之計鴻雁隨陽之鳥
喻臣民之隨君也哲人愚人當時詢國遷之東庶也宜驥
猶言好大喜功愚民難于圖始其言類然其知體王心之
勤勞者惟哲人耳蓋其事與斯干詩相
終始而其詞與書之盤庚相表裏矣

哀鳴嗷嗷

許慎曰嗷衆口愁也

說文引詩

左傳宣公十二年冬公如晉朝衛侯鄭伯請平于晉公
皆成之鄭伯與公宴于棊子家賦鴻鴈季文子曰寡君
未能免此

又襄公十六年穆叔如晉見范宣子賦鴻鴈之卒章宜

子曰句在此敢使魯無鳩乎

庭燎

三章

易林庭燎夜明追古傷今

頤之損

列女傳宣公嘗臥而晏起姜后脫簪待罪于未巷宣王惑悟于是勤于政事早朝夜臥卒成中興之名何楷曰外紀姜后事在宣王二十二年與詩同意

夜未央

王肅曰央且未且夜半是也

正義

陸德明曰央說文久也已也楚詞註盡也

釋文

顏師古曰說文央中也一曰久秦詩宛在水中央月令中

央土並是中也則夜未央者言其未中也未久也今關中

俗呼二更三更爲夜央夜半此蓋古之遺言謂之中耳毛

公訓央爲旦未知出于何典鄭君釋云未渠央不能指明

其義遂令學者不曉

匡謬正俗

王楙曰夜未遲盡也

按漢書李

夫人傳惜蕃華之未央顏注未央猶未半言年歲未半也亦以半釋央又荀子注央頃中瀆也廣雅央中也凡物之

中是爲得半故央爲半也

庭燎之光

賈公彥曰火在地曰燎執之曰燭

儀禮疏引詩

鸞聲將將

釋文鸞聲鏘鏘

文選注同

鸞聲噦噦

韓詩內傳鸞在衡和在賦

秦風正義

說文曰鑿聲鉞鉞車鸞聲也

洪頤煊曰說文鉞車鑿聲也徐鉉云今俗作鑿非是

按文苑英華喬潭賦和鸞鉞鉞與徐所引同是鉞字當卽鉞之譌徐鉉讓之非也

徐邈曰噉噉聲徐有節也

集韻

夜鄉晨

杜佑曰朝辨色始入所以防微君日出而視之所以優尊

詩曰夜鄉晨言觀其旂臣辨色始入之時也又曰東方明

矣朝既盈矣君日出而視之之時也

道典

沔水

三章

馮景曰左傳公子重耳如秦公享之公子賦河水韋昭以爲沔水或謂爲碩人之四章然春秋傳言賦詩者皆取詩

首名賦第幾章者載馳之四章綠衣之卒章皆顯言之不得云賦河水也

駮彼飛隼

衆經音義駮彼飛隼

隼

隼釋費風隼若飛鷹鷂洪道曰蓋川駮彼飛隼非假借則傳授異也

莫肯念亂誰無父母

王符曰一國盡亂無有安身賢人君子既憂民亦爲身詩

云云言皆將爲害然有親者憂將深也

釋難篇引詩謝枋得曰一身之遇

亂不足惜父母之遇亂深可憂爲父母謀則當念亂必思所以救亂也

不可弭忘

衆經音義曰弭止也亦安也

引詩

民之訛言

宋書民之譏言

五行志

讒言其興

韓詩曰讒言緣間而起

文選宿者傳論語 敷按易曰亂

間隙一開讒人卽緣之以起讒言入而亡國破家者相隨屬韓家片語義殊深切矣

國語秦伯宴公子重耳公子賦河水

韋注河當作沔字 誤也言返國當朝

事秦 瓠按流水朝宗來王禮廢應作飛揚專兵長亂不蹟猶言不軌也蓋外侯之不寧者已肆其強梁而王朝之公卿又或構毀而陷禍詩人所爲憂念不忘也然昭有濟漢之危厲有流汾之辱幽有驪山之禍蓋亦莫知其所指矣 王千仞曰沔水喻諸侯飛隼喻不制之諸侯也

鶴鳴

二章

易林曰鶴鳴九臯避世隱居抱道守貞意不相隨

師之艮 賁按

此篇之音雖然譬况如焦氏之旨則是鶴鳴聲聞實至而
名歸也在淵在清無入而不自得也維維維維汲視裸而不
能免也為錯攻玉見不善而能改也蓋極言隱處之賢者
懷道蓄德與世推移而未嘗同流合污也申括詩意要為
著切矣朱善曰誠中形外非可矯飾為也于變萬化非
可執一求也君子或有未仁不可溺于愛也小人或有一
長不可偏于惡也姜炳章曰此詩
如易之取象三百篇中別具一體也

鶴鳴于九臯

韓詩曰九臯九折之澤

釋文 瓊按張平子賦遇九臯之
介鳥注介大也鶴大于羣鳥也

又謝希逸月賦聆臯禽之夕聞善注引詩云
臯禽鶴也是鳴鶴又緣此詩錫臯禽之名矣

王逸曰澤曲曰臯

離騷經注引詩 盧文弨曰太元經鳴
鶴升自深澤詩九臯當作九臯臯古澤

字即易所謂鳴鶴在陰
也臯臯相似因誤也

他山之石

唐石經

釋文同書正義作從

可以爲錯

高誘曰可以爲厝厝礪諸治玉之石礪謂廉氏之廉一曰

濫也

淮南子修務篇注

說文曰可以爲厝厝屬石也

李富孫曰厝今詩作錯說文錯金塗也厝與錯音同義異

鶴鳴于九臯聲聞于天

荀子曰君子務修其內而讓之于外務積德于身而處之

以遵道如是則貴名起之如日月天下應之如雷霆故曰

君子隱而顯微而明辭讓而勝詩云云此之謂也

儒教篇

東方朔曰苟能修身何患不榮

漢書本傳引詩

王充曰言鶴鳴九折之澤聲猶聞于天以喻君子修德窮

僻名猶達朝廷也聲聞于天者見鶴鳴雲中從地聽之度

其聲鳴于地當復聞于天也論衡藝增篇晉潘岳贈陸機詩曰鶴鳴九臯猶載厥聲

况乃海隅播名上京

顏師古曰言處卑而聲徹于高也漢書東方朔傳注

史記鶴鳴九臯滑稽傳錢大昕曰論衡白帖文選注初學記引皆無于字唐石經增于字

其下雜穀

陸德明曰穀說文云精也從木非從禾也釋文

楊震疏曰野無鶴鳴之嘆朝無小明之悔後漢書本傳

祈父三章

詩曰歷樞曰卯酉之際爲革正酉祈父也

太平御覽

王符曰班祿頰而頰甫刺

潛夫論班祿篇

按周官司馬之屬有司士掌羣臣之版以功

詔祿以久莫食 白帖
司馬非其人故詩刺之

杜預曰詩人責圻父不修其職使百姓受困苦之憂

左傳襄公

十六年注 按箋下謂勇力之士與杜曰百姓異

予王之爪牙

玉篇維王之爪牙

胡文英曰維義同焉與杜氏責圻父義合 璩按漢書陳湯傳戰克之將國之

爪牙不可不重也又辛慶忌傳慶忌宜在爪牙官以備不虞其後非爲右將軍引用爪牙字皆以武臣上將當之亦

不同箋目
軍卒也

祈父豈不聰

杜預曰圻父司馬掌封圻內之甲兵故曰圻父

左傳注方苞曰書

傳殷稱司馬亦稱圻父此詩與酒誥仍先代之稱也

盛史宋神宗曰獨言聰而不言明軍事尚謀聰作謀故也

有母之尸饗

許氏異義曰謂陳襄以祭恐養不及親

正義引臧輔堂曰此蓋韓說外傳

云椎牛而祭墓不如雞豚之逮親存也下引此詩

左傳襄公十六年穆叔如晉見中行獻子賦圻父獻子

曰偃知罪矣敢不從執事以同恤社稷

白駒

四章

王符曰白駒介推遜逃山谷守志篤固秉節不虧

清夫論過利篇

曹植賦曰彼朋友之離別猶求思乎白駒

藝文類聚此以白駒爲送

別之詞義同馳駒矣

又按文選王粲贈士孫文始詩曰白駒遠志古人所饒允矣君子不遐厥心既往既來無密

爾音此用白駒詩義亦以爲贈別之詞也

曹攄詩曰思賢咏白駒

文選思友人詩

李周翰曰白駒詩思賢人也

范甯曰君子之遇塞則白駒之詩賦

穀梁傳注

大周正樂曰白駒操者失朋友之所作也

御覽五百七十八

皎皎白駒在彼空谷

韓詩在彼穹谷

薛君章句曰穹谷深谷也

文選西都賦注郝懿行

曰爾雅穹大也薛云深者則穹爲深之大矣

白駒在彼中谷

六

王符曰皎皎白駒在彼空谷巧言如流俛躬處休蓋言
衰亂之世志彌潔者身彌賤佞彌巧者官彌尊也

潛夫論

謝莊書曰吾等並過荷曲慈俱叨非服紆金拖玉改觀

蓬門入奉舜禹之渥出見羲唐之化雍容掄揚亦白駒

空谷之時也

本集與袁顛書 按此書似以白駒空谷爲野無遺賢意亦一義也

生芻一束其人如玉

後漢書郭林宗有母憂徐穉往弔之置生芻一束于廬

前而去林宗曰此必南州高士徐孺子也詩不云乎生

芻一束其人如玉吾無德以堪之

徐穉傳

東晉賦曰稱碩鼠則貪民去唱白駒而賢士歸

藝文類聚

黃鳥 三章

焦氏易林黃鳥來集既嫁不答念我父兄思復邦國

乾之坎

按此詩箋以陰禮言傳謂復爲婦人有歸宗之義今觀焦所述則詩爲女適異國不見答于夫家而作將以大歸也

我行其野 三章

易林黃鳥探蓄既嫁不答

與之豫 賦按焦氏乾詞弟述黃鳥詩義此則兼行野篇言之

篇中語意亦與前篇相承屬蓋二詩爲一時之作前篇爲女之詞此篇爲女父母兄弟之詞矣

蔽芾其枿

王肅曰此春娶之證也

正義

昏姻之故

藝文類聚婚姻之故

白帖俱覽同

言采其蕤

曹植七啓霜蓄露葵李善曰詩言采其蕤蓄與蕤音義同

也

文選注 張銑曰蓄茶名此物宜於霜露之時 釋文蕤本一作蓄

不思舊姻

班固曰婚者昏時行禮姻者因夫而成不惟舊姻謂夫也

燕爾新婚謂婦也

白虎通義

成不以富

論語誠不以富

唐石經同

斯于

九章

劉向曰周德既衰而奢侈宣王賢而中興更爲儉宮室小

寢廟詩人美之爲斯干之詩上章道宮室之如制下章言

子孫之衆多也

漢書本傳嚴可均曰劉向所說當是魯詩據此則斯干篇魯詩僅分二章秩秩至

攸寧爲上章下莞至詒惟爲下章

楊雄曰詩詠周宣由儉改奢

本傳將作箴

左思曰古公草創而高門有閔宣王中興而築室百堵

賦竹書紀年宣

王八年初考室

薛綜曰斯干周宣王儉宮室之詩也

文選二京賦注姚

齊後矣宣王立都改而從儉又曰周之都嘗數遷文王

居豐武王居鎬至穆王居鄠懿王居廢耶宣王遭厲王之

禍宜更擇都邑建宮室以斯干詩及王儉于鄴度之蓋宣

王都南山之北渭水之南雍都間也故宣王石鼓出于陳

倉太史公云雍旁有

武時雍東有好時也

秩秩斯干

韓詩曰地下而黃曰干

文選吳都賦注文引詩劉良注曰

秩秩水流貌斯

干澗水也此仍箋義是韓干作澗也如韓訓當是南山下黃壤爲築室之基址無煩改字也

築室百堵

韓詩說曰八尺爲板五板爲堵五堵爲雉板廣二尺積高

五板爲一丈五堵爲雉雉長四丈

左傳隱公元年疏

賈公彥曰築室百堵築宮也築城伊匹築邑也

周官疏

約之閭閻楹之橐橐

周禮註約之**格格**

賈疏格格猶歷歷也約謂掘土楹謂

築土

釋文椽之柝

按廣雅椽聲也則三家字又有作椽者

君子攸芋

經義述聞鄭注大司徒燹宮室曰謂約極攻堅風雨攸除各有攸字此約舉詩攸字卽攸芋也芋作芋蓋韓詩也

按箋芋當作薯

如跂斯翼

玉篇如企斯翼

如矢斯棘

韓詩曰如矢斯柝柝隅也

釋文爾雅義疏水經注曰棘力聲相近世以棘子木爲力子

木也 按柝合木力成文淵隅者謂其有廉稜也

顧野王曰柝木理也

玉篇引詩

如鳥斯革

韓詩曰如鳥斯革鞞鞞翹也釋文廣韻同段玉裁曰鞞正字毛作革爲鞞之假借

如翬斯飛

說文曰有翬斯飛翬大飛也一曰伊維而南五采皆備曰

翬

九經字樣如亦作有

噦噦其冥

考文噦噦其冥按手鑑淇濼也亦深

乃生男子

韓詩內傳曰男子生桑弓蓬矢六射上下四方明當有事

四方也

文選注白虎通

其泣嗶嗶

陸德明曰嗶嗶聲也

釋文

乃生女子

班昭曰古者生女三日臥之牀下弄之瓦磚而齋告焉

女誥

後漢書本傳

載寢之地

班昭曰臥之牀下明其卑弱主下人也

後漢書

載衣之襦

韓詩載衣之襦

陸德明曰齊人名小兒被爲襦

釋文段曰

正字毛假楊字

韓詩翼要曰示之方也明褊制方令女子方正事人之義

正義

說文曰載衣之襜褕褌也

孫光憲曰褌小兒衣卽褌帶也

戩弄之瓦

班昭曰弄之瓦磚明其習勞主執勤也

木傳引詩 戩按說苑曰和氏之璧

價重千金然以之間紡績不如瓦磚則是古以瓦爲紡績之具執勤者執紡績之勤勞也

侯苞曰弄瓦示之方也

正義

無非無儀唯酒食是議

列女傳孟母曰言婦人無擅制之義而有三從之道也詩引

儀禮大射禮乃管新宮三終 燕禮記升歌鹿鳴下管

新宮

註小雅逸篇 集傳曰疑卽此詩 輔廣曰此篇以儀禮新宮當之則非宜王之詩矣

左傳昭公二十五年叔孫婁聘于宋宋公享昭子賦新

宮昭子賦車轄

注新宮逸詩昭子將爲季孫逆宋公女故賦車轄 錢澄之曰此詩末章正咏

女子事宋公爲婚姻發故賦此詩也 玆按北齊邢子才新宮賦曰擬二儀而構路寢法三山而齊翼室何大

厦之狀狀而斯于之秩秩邢用斯于句入新宮賦是亦以此詩爲新宮篇矣

無羊

四章

孔叢子孔子曰於無羊見善政之有應也

記義篇 玆按孔叢本無羊多

作羔羊然篇中所述詩旨凡二十一篇自周南至采菽各依篇次此語蔽于形弓之後節南山之前故爲字諫矣善政謂中興牧養之政有應謂蕃息富庶之祥也

九十其節

鄭康成曰九十其犗犗者九十其餘多矣

周官注

其角濺濺

釋文其角解解

或寢或訛

韓詩曰或寢或訛譎覺也

文釋

爾牧來思

鄭康成曰牧人養牲于野田者

周禮地官注引詩

何蓑何笠

賈公彥曰蓑以禦雨笠以禦暑

周禮疏引詩

後漢書注荷蓑荷笠

白帖同

三十維物

郭璞曰九十維物謂毛色也

穆天子傳注

牧人乃夢衆維魚矣旒維旗矣

鄭康成曰占夢季冬獻吉夢于王此所獻吉夢也

周官注

大人占之

班固曰易曰占事知來衆占非一而夢爲大故周有其官而詩載熊羆虺蛇衆魚旒旗之夢著明大人之占以考古

凶

漢書藝文志敘

室家溱溱

潛夫論室家恭慕

列子周宣王之牧正有役人梁鶯者能養野禽獸委食于園庭之內無不柔馴雌雄在前尊尾成羣異類雜居不相搏噬何楷曰列子周未人以此事屬之宣王則宣王當日之留意牧事可知已

鴻雁之什十篇三十二章